

第五三冊目次

業成就論一卷	元魏毗目智仙譯	一
大乘成業論一卷	唐玄奘譯	一〇
因明正理門論本一卷	唐玄奘譯	二三
因明正理門論一卷	唐義淨譯	三五
因明入正理論一卷	唐玄奘譯	四八
顯識論一卷	陳真諦譯	五三
轉識論一卷	陳真諦譯	六四
唯識論一卷	元魏菩提流支譯	六九
大乘唯識論一卷	陳真諦譯	八六
唯識二十論一卷	唐玄奘譯	九五
成唯識寶生論五卷	唐義淨譯	一〇二
唯識三十論頌一卷	唐玄奘譯	一五一
成唯識論十卷	唐玄奘譯	一五四
大丈夫論二卷	北凉道泰譯	二九二
入大乘論二卷	北凉道泰譯	三一九
大乘掌珍論二卷	唐玄奘譯	三五一

大乘廣五蘊論一卷	唐地婆訶羅譯	三七六
大乘五蘊論一卷	唐玄奘譯	三八八
寶行王正論一卷	陳真諦譯	三九五
大乘起信論一卷	梁真諦譯	四一五
大乘起信論二卷	唐實叉難陀譯	四三四
發菩提心經論二卷	姚秦鳩摩羅什譯	四五三
三無性論二卷	陳真諦譯	四七四
方便心論一卷	後魏吉迦夜與曇曜譯	五〇一
如實論一卷	陳真諦譯	五一四
無相思塵論一卷	陳真諦譯	五三二
觀所緣緣論一卷	唐玄奘譯	五三四
觀所緣緣論釋一卷	唐義淨譯	五三七
迴諍論一卷	後魏毗目智仙等譯	五四八
緣生論一卷	隋達磨笈多譯	五七一
十二因緣論一卷	元魏菩提留支譯	五八一
壹輸盧迦論一卷	元魏瞿曇般若流支譯	五八三
大乘百法明門論一卷	唐玄奘譯	五八五

百字論一卷	元魏菩提留支譯	五八七
解拳論一卷	陳真諦譯	五九三
掌中論一卷	唐義淨譯	五九五
取因假設論一卷	唐義淨譯	五九七
觀總相論頌一卷	唐義淨譯	六〇三
止觀門論頌一卷	唐義淨譯	六〇五
手杖論一卷	唐義淨譯	六〇八
六門教授習定論一卷	唐義淨譯	六一四
大乘法界無差別論一卷	唐提雲般若等譯	六二二
提婆菩薩釋破楞伽經中外道小乘四宗論一卷	元魏菩提留支譯	六二七
提婆菩薩釋破楞伽經中外道小乘涅槃論一卷	元魏菩提留支譯	六三〇
佛說長阿含經二十二卷(一)	姚秦佛陀耶舍共竺佛念譯	六三五

業成就論翻譯之記

無量壽優波提舍論

力九

大國將寧必感靈瑞以爲喜兆鄴隍方盛聖
降神寶以爲祥徵天親菩薩造業成論出於
今世以示太平此乃大魏都鄴安國之兆也
法行有時寄必得人興和三年歲次大梁七

三

月辛未朔二十五日驃騎大將軍開府儀同
三司御史中尉渤海高仲密衆聖加持法力
資發誠心敬請三藏法師烏菟國人毗目智
仙共天竺國婆羅門人瞿曇流支釋曇林等
在鄴城內金華寺譯凡四千八百七十二字
業成就論

天親菩薩造 元魏天竺三藏瞿智仙譯

業有三種所謂身業口業意業此是修多羅
有人說言身所作業是名身業口言說業是
名口業此二皆有作與無作意相應業是名
意業此業是思

彼今思量意是何法所有身意皆有形相彼
緣身生是何形相是身形相若身形相何因

說名身所作業是身摠分爲身攝故緣身大
生名身作業別中之語於摠中說譬如人言
於城中住於林中住

彼攀緣生何故言彼遮脣等動及形相故彼
心非緣脣等動生非緣形生緣語生故不取
前願彼心不緣前願而生異報因緣是故心
生何故言意起業心轉他人知故

何者形相所謂長等何者長等謂見長等是
何入攝色入所攝

長等爲是微塵色耶爲如微塵共聚集耶爲
是一物遍色等耶長等若是微塵色者則彼
長等可分分取如色分取若如微塵共聚集

者彼色微塵與彼聚集爲有何異彼微塵集
無異長者若是一物遍色等者則彼一物遍
在長等若一物遍於分分中皆應可取以一
切處皆具有故若非一者應分分取阿含十
入微塵和集佛法則壞又迦那陀異法則成
微塵聚集一面見長則生長知局見短知正

見方知周見圓知中出而見則生高知卑見下知齊見正知種種面見則參差知見麤能錦如如而見則生彼彼形相等知彼異異物不得一見如色差別

若復意謂一切方處一切形相是義不然如是形相無有異物色亦如是於方處住見長

力九

短等如樹鳥蟻義成無過

若如是者云何闇遠而不見色見集形相云何皆見未見形相如樹行等見彼行聚不見形相彼無異物

於聚集中若闇若遠不見二種雖見不了爲是何物彼見何物雖見彼色而不明了應如

是知此意形相義不成就

復有人言心緣彼生往古名意攀緣彼生爲是何義遮脣等動何故名往謂向彼方是何入攝謂色入攝

云何知此往彼方去以不異見如彼火雪苦酒日等變熟因緣入已即出未見變異然非

不異如然可然備草木等不見異燄燄非不異初入之時若不變者後亦不變以彼因緣不別異故若薪草等鹿細不均燄影明熱皆異不同以不同見向彼方義則不相應

若無滅因何故不得心心數法聲燈皆滅有何因緣餘亦如是彼滅因緣自因緣壞餘法

因緣何故不令又如彼法無有因緣餘亦如是若初入火草木等色如本不異後亦如是不應有異云何燈明鈴等音聲風手初觸即滅即止非此能滅非此能止若如火等木等燒等色等滅等初入出時何故不異以外因緣不別異故熟物不應有微中上初變熟物

力九

三

何因得變因緣唯一能生能滅此非道理非以一因能成二法如是中間更有滅因如前取捨異相續轉應如是知若滅有因無法無因如心等生

滅法不成以一切法皆有因故滅則無因如彼火雪苦酒日等熟變因緣若滅有因應滅

如色如是無法有因緣滅生亦無因見彼異法謂是此法生實有因前心後心如心中間熟變熟變如乳爲酪蒲桃汁酒酒爲苦酒如是無有少法往相住物無行無行則住若如是見彼見何物見此處物豈非見彼處方新彼處方新而見如草然影非彼方影於此處見如日所住如是日者近遠迴轉如影增減迴轉而見日在方處映障不見若復有人如是難言此何處物是彼前物轉向此方答彼人曰此何處物向義今說如是住物則無有行若不行物則是住等外因緣壞後則異見念念異知若不異知彼物不別知非彼物何不言異如是二種俱不可見如是行住義則不成

云何言意云何知有云何身中異處動行心風界生此風界動所謂異方因緣而生云何草葉隨風界傾行亦如是異方處生行力不成何用分別彼如是身方生因者心生風界如是名意云何非意而得言意釋迦子法觸入非善亦非不善彼如是心異方身生此生名意若如是者意唯相貌無有實物身則多分意亦非意味等他人釋迦子法則不如是味等非善亦非不善心生色故彼得言意非彼心生自風種生釋迦子法則不如是色入非善亦非不善色彼方生意不可得若有彼物供養天得力九若彼物無天不能與則不可得生物無異誰能成異彼不可得如是色等如眼能見生則不尔既不可見云何言意是先已說如生不生色亦已說

唯有無作是身之業何名無作法入所攝怖畏等色云何無作得言無作若是欲界與心

合轉則如色界是則異心及無心時怖與不怖共心俱失若受時勢力後常不失戒經中說比丘默然云何妄語又無記業則不可成無作二種謂善不善彼剎那間無作合轉如彼分別身口業色若善不善二俱不成何以故捨身則斷於未來世愛不愛果則不可得復有人言過去業有何故不成若過去業於未來世得愛不愛二種果報此則癱上復生癱子過去業有過去者名前有後無若如來說雖復經百劫而業常不失得因緣和合今時果報熟此偈云何能與果報是不失義如是已釋初半偈竟何人不信久遠得果得果何義若相續轉如稻種子若住自相應如是知若住自相能與果者則不失壞應常與果彼無自相故名失壞又不如是作已不作云何不作果不重與何故不與以與竟故不可與已復更重與如物生已不復更生彼同類果何不更

力九

五

與云何果報皆悉與竟生法因緣無如是力盡漏之人後念盡漏不與果報云何後時而得言滅非如是力能成果報若種子因於果有力得言因力能與果報若何等人有過去者則有未來何故未來不與果報一切時有何等物於何時無彼如是說若得和合果報則熟此則不然若何人力於何時力是何物力此人此果究竟不成有過去業於未來世得果報者如是不成復有人言彼善不善身口等業陰相續中離心法熏若說名集若名不失後世則得愛不愛果若意業異心生滅轉若不熏心云何後世而得果報若人讀誦久時憶念彼見等物如是習者以何法熏若念何物彼見誦等後時何處憶念心生滅盡三昧初心既滅後時何處有心生起以紫鑽汁塗彼摩登隆伽樹華彼二共滅如是中間何物滌果後赤穰生法中間思亦復如是心相續力熏力轉變後

世得果應如是知如紫鑽汁染彼摩登隆伽樹華果中亦穢

身業如是相續熏心故故不得如是彼心與善不善而共相對若其此人作善不善彼人如是愛不愛果與力相應非異相應若復業滅心相續故後世得果云何無心滅盡三昧及無想心相續心斷前業果報即彼身上於後時生

復有人言彼熏於心相續而得彼滅三昧何處相續三摩跋提初心因緣云何久滅云何因緣我先已說過去得果何處如是心中間生復有人言色根種子彼種上得心心數種二處依止謂心身中色根身中如是次第如心緣法而生意識中間無心彼云何生彼有種子得言意根應如是知說因為果如飢渴觸心心數法云何皆有二種種子一種子中無二種芽不見如是一因緣中不見多生彼過亦亦無心三昧無想心斷云何業果於後時

力九

六

得此一廂過是何物廂隨何等人無心三昧復有人言有心三昧若毗婆沙五百羅漢和合衆中婆修蜜多大德說言若何等人滅定無心彼得此過我滅三昧是有心故引修多羅以為證言身行則滅諸根不轉識不離身又復彼人信受何識有人意識如來說意因緣法而生意識三種和合故名為觸觸共受想思等俱生云何有意識非三事和合或有和合而非是觸或復有觸而非受想若受滅得言滅盡云何如來修多羅說受皆緣愛非一切受皆因緣愛觸亦應亦非一切觸皆因緣受如來亦於修多羅中別說彼義無明生觸觸生於受受因緣受無處說觸離於受想如是不說彼過則成而不可遮三事具足得言和合無彼三事想受不生若不如是三摩提中尚無彼觸何處受想復有人言唯一意識

彼何者識為善為染穢汗無記此義今說若

是善者則無貪等善根相應善無貪等云何無觸若善即時因緣勢力若是善者與善等心則不相離三種心生善等勢力心迴無因若是染者云何不與煩惱相應若染煩惱云何無觸又復如來於彼十難修多羅說若有受陰想陰行陰彼一切陰皆觸因緣無想三

九

七

昧猶尚無染況滅三昧

如其彼是穢汗無記彼復云何爲是報生爲是威儀爲是工巧爲是變化今當問彼若是報生云何有頂三摩提心下至八地中間懸絕欲界報識與心相續如是復有不動心起云何相續如摩訶拘締羅修多羅中間如來言起滅三昧幾觸所觸如來答言慧命拘締羅三觸所觸所謂無動無相無所有前要期力入滅三昧前心要期不過時起此義云何云何皆緣滅盡三昧有頂心終前欲界業熏心得報何故非是前心得報何以故若前報色於彼斷絕不相續者云何後心而報相續

若威儀等彼處無觸云何以心緣威儀等彼有爲善九次第定及八解脫則不相應彼無染心及無記心則不相續有頂三昧依止滅定憶念攀緣入想受滅若入滅定有心識者何所攀緣若緣滅定云何非善若善則與不貪相應若相應者云何不得是觸因緣若異攀緣入滅三昧云何中間亂心相應自心分別謂是無記如是二種皆不相應如是不知阿含實義彼論師者踴躍而言滅三昧中猶有意識如是分別

云何彼是有心三昧如修多羅法師信說修多羅師云何信說說彼報識一切種子密繫縛等行不斷絕彼彼處生報識壞相相續而行乃至涅槃而不斷絕彼若如是得言有心異六識身是故不轉初入滅定心增上力彼時種子皆悉隱閉故名無心有二種心一者聚集諸種子心二者種種攀緣壞心離第二心故名無心如一脚牀以無餘脚名無脚牀

彼種子閉報識念轉有與中上如水如熱放箭等勢從此到彼彼種子識期至復生隨何因緣後時別異種種種子報識是藏彼彼異識對法共生善不善熏如彼次第種子力熏若相續轉如彼力熏於未來身則得彼彼愛不愛果此識因緣故如是說

力九

此心識種子 無邊相續行 自心中因緣

彼彼種力生 彼次第不失 時至則得果

如摩登隆伽 塗華穰時現

如是之義如來於彼深密解脫大乘經中有

說偈言

阿陀那種子 深細稠雨行 不為愚夫說

畏分別我故

此偈明何義彼復有中密縛取身是故名為阿陀那識是一切法種子依處是故名為阿梨耶識前生業報故名報識若無彼識身以何覺身未盡來遍身不離更無異識若更無對何物對治煩惱根本煩惱根合云何對治

無二法故

染行善行無漏心行如是相續無色界生彼何者行依何物報若亦無報亦應得行彼不相應

如彼修集有頂漏盡阿那含人無所有處無漏現前有何我所有頂不退眾分和合名為命根更無異物彼法復有報陰相似勢力轉行非有異物相似勢力猶如稻芽相似勢力應如是知更有異識如說有識

彼何所緣不決定緣云何識緣言不決定復說異識如滅三昧如彼大德銅色弟子說有分識復有人言是根本識何取陰攝如是之

力九

九

義識取陰攝此修多羅文字章句云何而說何識取陰謂六識身如行緣識是何者識六識身故憶此法說如彼行陰何者行陰六思身故不攝異法復何所憶深密解脫修多羅等如來皆說愚癡凡夫我不為說畏分別我復何因緣如是分別彼有為行處處流轉恐

人不知若說如是依止攀緣種種了知增上勝心若彼煩惱對治相應滌淨等說彼種子識若以果比說如是識不說因識彼顛倒說如是意故此有身識復有身識如次第說此義相應非見一切修多羅說義相應故如是非諸修多羅說莫以一切修多羅中皆不說故便謂無有阿梨耶識

如是二種心識並流一處皆有所謂報識及以異識若如是者有何等過若有二種識身相續如是則應有二衆生如身中識

不得如是彼種子果共相應轉報識流故能熏異識身識中間不如是法若如是者此則

無過復有種子種子所生異異壞見如奢盧迦優鉢羅等根根所生若見不見如是不尔若如是說彼則無過如是復有阿梨耶識六識何故不依止我得何者識若如阿梨耶識相續因緣而轉彼有何異彼若是一畢竟不動云何識等而得成熏如紫鑛汁熏彼摩登

隆伽樹華若無熏者無轉勝法云何先知如習欲等又時憶知欲等生長我中無心而於何處後時心生若無我者心有何力而於彼我依止分別若有我者彼心云何次第而生若共因緣彼異生力云何可知若是彼力生住念轉爲是何法若如是者不相似物而共依止則違阿含說一切法皆無我義如是非理自意分別思量計我是故思熏阿梨耶識相續不斷後身得果義則成就非如說相身口之業

又復如是身口業無違修多羅有三業說此義云何此義不違如來所說如是無過如是

力九

十

能說云何無過此義今說以何義故說三種業何者爲身何者爲業何義名身何義名業何者身業如是口業亦如是說

以何義故說身等業不說眼業以何義故說如是義十善業道三業攝示多說恐人如毗離支子學三種戒爲說三種是身所作非口

非意唯分別一復爲餘人說身業相身復攝
根大大所成集故名身業者是思集義名身
大大所成微塵聚集

復有人言不淨名身以不淨物和合集故彼
人天身不得言身

意所作行是名意業身動進業是名身業思
有三種所謂思量決定進趣若以身動彼身
相續方中生因風界所吹是名身業除中間
句如娑羅油或如風塵說二業道殺盜邪行
彼云何思彼身數攝彼身業動殺盜邪行彼
身動轉身相續作彼得言作如賊燒村薪草
熟飯

思復云何得言業道行惡道業故言業道或
身動轉故名業道三種思業得說爲業彼思
住持則得殺生竊盜邪行復依世諦而說身
業有善不善復說彼門以彼思故世間往返
相應之義若思如是善不善業修多羅中云
何說言身三種作思業集作不善生苦得苦

上末

報故彼門住持彼攀緣者佛如是意

彼思異故說思意業唯意相應身口不轉何
故如來說思思業如前所說思有三種彼二
種思第三進趣

彼思是業語言是響響若可解彼業趣思名
字相說故名言語憶念義說故名言語業如
前說言語起業故名口業除中間語識意名
意意處處生境界亦心餘如前說

若身業中要有思者異心無心介時無思云
何而得有怖不怖思熏不壞得怖不怖思義
最勝若怖不怖意起分別

彼意所熏云何破壞如自證知遮與不遮思

復無因彼何者壞若捨怖畏捨不怖畏思是
其因意起分別復有捨因眼語等業

已說覺業非造作業何者覺業謂作意行何
者造作眼等何處次第力轉

如來說三業 依法義成就 我解業成福
願衆生成佛

業成就論一卷

力九

鄴皇二字音業 驃騎上 砥召 反下 激海上
 沒郡反 烏菴平 瞿曇最 勝族 合反 云激 局王
 姓反 毘朱 雍毛 佈北 傭最 草上 穰也 均決
 反鈴 鈴音 絛朱 雍毛 佈北 傭最 草上 穰也 均決
 正下 跋反 拘下 絛上 稻上 芋也 穰也 均決

大乘成業論

力十

世親菩薩造 唐沙門玄奘奉制譯

如處處經中世尊說三業謂身業語業意業
 此中有說身所造業故名身業語即是業故
 名語業此二皆用表與無表為其自性意相
 應業故名意業此業但以思為自性今於此

乙

章支

中何法名表且身表業形色為性緣此為境
 心等所生誰之形色謂身形色若身形色何
 故前言身所造業故名身業謂摠名身一分
 攝故名身形色依身大種而發生故名身所
 造以摠身言於別亦轉如世間說居邑住林
 何緣復說緣此為境心等所生為欲簡彼昏
 等形色彼非緣彼心等所生以緣言音心等
 生故又為簡彼宿願心等所引形色彼非緣
 彼心等所生餘異熟因心等生故何故名表
 此能表示自發業心令他知故為顯此義故
 說頌曰

由外發身語

表內心所思

譬彼潛淵魚

鼓波而自表

形色者何謂長等性何者長等謂於彼生長等名想此攝在何處謂色處所攝今應思擇長等爲是極微差別猶如顯色爲是極微差別積聚爲別一物遍色等聚設介何失長等若是極微差別應如顯色諸色聚中一一細分長等可取若是極微差別積聚此與顯色極微積聚有何差別即諸顯色積聚差別應成長等若別一物遍色等聚一故遍故一一分中應全可取於一切分皆具有故或應非一於諸分中各別住故又壞自宗十處皆是極微積集又應用助食米齊宗執實有分遍諸分故即於和合諸聚色中見一面多便起長覺見一面少便起短覺見四面等便起方覺見諸面滿便起圓覺見中凸出便起高覺見中凹便起下覺見面齊平起於正覺見面參差起不正覺如旋轉輪觀錦繡時便生種種異形類覺不應實有異類形色同在一

處如諸顯色若許介者應於一一處起一切形覺然無是事是故形色無別有體即諸顯色於諸方面安布不同起長等覺如樹蟻等行列無過若介云何於遠闇處不了顯色了形色耶如何不了樹等形色而能了彼行列形耶然離樹等無別行列或於遠闇諸聚色

力十

二

中若顯若形俱不能了雖復能取而不分明疑是何物此何所見由是應知但取顯色由遠闇故見不明故表是形理不成立有說身表行動爲性緣此爲境心等所生何緣復說緣此爲境心等所生爲欲簡彼脣等搖動彼非緣彼心等所生以緣言音心等生故云何名行動謂轉至餘方此攝在何處謂色處所攝何緣知此轉至餘方謂差別相不可知故此理不然如熟變物雖纔觸火光雪酥等諸熟變緣即有差別而不可知彼差別相然彼前後非無有異此亦應然如長薪草衆分相似各別生焰雖有差別而不可知彼

差別相然彼眾分非無有異此亦應然若熟變物纔觸緣時諸熟變相不即生者彼於後時亦應亦生緣無異故若長薪草眾分相似非分分中別生焰者彼焰應無由彼別故形量照明炎熱差別是故不應以差別相不可知故便謂即此轉至餘方應審了知彼差別

相若謂滅因不可得故知即此法轉至餘方此亦非理如心心所聲燈焰等有何滅因而念念滅餘亦應亦滅不待固若言心等亦有滅因謂唯各別自無常相若亦何故餘不許然餘既不然此云何亦故知心等滅不待因心等既然餘亦應亦若餘法滅不待因者薪

力十

三

等未與火等合前彼色等性應不可取如合後位後亦應如前位可取如何風手末觸未執燈鈴已前燈焰鈴聲分明可取非於後位然焰聲滅不待風手薪等亦然不應為難又若薪等由火等滅彼色等性不可取者纔觸無間應不可取彼纔觸時有差別故又彼外

緣無差別故諸熟變物下中上品諸熟變相差別生時由彼為因後後生起前前滅壞誰復為因不應此法由彼故生即此復由彼法故滅二相違法非共一因世極成立故有為法不待滅因任運自滅如前可取不可取者應知相續隨轉滅壞差別之相有微增故又若滅法亦有因者是則應無無因滅法心心所等如待因生滅亦應亦非離心等別有無常世共成立又因異故滅應差別如火光雪酢等異故熟變差別又已滅法應更可滅許有因故猶如色等是故滅法決定無因滅無因故纔生即滅故知無有轉至餘方若謂生因不可得故知即此法轉至餘方此亦非理有生因故謂前與後而作生因如前念心與後念心前念熟變與後熟變乳與其酪蒲桃汁與酒酒復與酢等故無少法轉至餘方轉相既無何有行動又若有住則無行動既無行動彼應常住法若無住亦無行動纔生即

滅無動義故若介現見行動者何餘方所見非即本物何緣知彼非本物耶由彼彼方新生故如草火焰及如影行非此方影餘方可見形質不動日等光明遠近迴轉便見彼影或長或短或移轉故又障光明少分生故有反詰言何緣微難至餘方義且如何知餘

方所見非即本物此亦應引前理為證謂若有住則無動等又外火等緣無差別而於後時差別可取由此證知念念各別又若以證異因無故謂餘所見還是本物既無有因證即本物何緣不謂非本物耶由此二義應俱不定故至餘方義有成立日出論者作如是

力十

四

言諸行實無至餘方義有為法性念念滅故然別有法心差別為因依手足等起此法能作手足等物異方生因是名行動亦名身表此攝在何處謂色處所攝若介何緣不許眼見如諸顯色既非所見不表示他如何名表復云何知此法實有云何此法能令自身轉

趣餘方別異而起若言由心差別所生風界即應如是風界其性是動足能為彼異方生因何乃離風執有動法又草葉等離外風界無別動法云何移轉然諸風界搖觸等生其性能動即應許彼能令手等轉餘方生何勞別執若體若用俱不極成能動法性

若不介者即心差別所生風界能為手等異方生因應是身表如是風界無所表示云何名表又許觸處是善不善便非釋子若不介者即心差別能令自身餘方生起即身生起應是身表是則身表應假非實自身多法合為體故又無表示云何名表香等不能表示

他故又許香等是善不善便非釋子若不介者即心差別所生顯色應是身表顯色非心差別所起自種子風差別生故又許顯色是善不善便非釋子若此顯色體非身表此餘方生應是身表天愛任汝於此表業盡力所能勤加轉計然此非因功力能成何乃於中

力十

五

徒生勞倦誰能成立生別有體此所執生非如色等是所現見非如眼等是能現見何緣知有又不可見云何名表前說不能表示他故又若顯色是善不善可說此生為身表業然諸顯色非善不善前已說故生亦應然是故定無身實表業

若介身業應唯無表此無表名為目何法謂法處攝律儀色等云何欲界有善無表離表而發若欲界中有此無表復有何過應隨心轉如在色界是則餘心及無心位應無律儀不律儀等若謂受時要期發語所引發故無斯過者說戒經時默無所說亦無要期如何獲得虛誑語罪又應無有無記身業以無表業唯二種故又亦應無一刹那頃善惡身業以諸無表定相續故謂若輕心不發無表重心所發使定相續

雖彼隨情計度實有身語業色而不應成善不善性所以者何彼說色業於命終位必皆

捨故如何由此能得當來愛非愛果有作是言此何非理謂過去業其體實有能得當來所感果故此於癰上更復生癰謂執過去業體實有先有後無名為過去如何可執其體實有若介世尊何故自說

業雖經百劫而終無失壞 遇眾緣合時

要當酬彼果

無失壞言為顯何義顯所作業非無果義由後半頌證此義成誰不信受善不善業雖經久遠而能得果但應思擇如何得果為由相續轉變差別如稻種等而得果耶為由自相經久遠時安住不壞而得果耶若由相續轉變差別而得果者義且可然若由自相經久遠時安住不壞而得果者應言此業經久遠時體不謝滅而能得果若謂此業非自相無名為謝滅然由此業無復作用名謝滅者如何此業無復作用由更不能引當果故何緣不能更引當果此於彼果已曾引故不可於

力十

六